

Vir Illustris et Consultissime,

Patrone aetatem venerande,

Ego vero istum erga me animum, istamque favoris
abundantiam, quam Tua suavisima epistola mihi
significat, ut perpetuam mihi conserves, vehemen-
ter atque unice opto. Accepi eam paulo tardius,
redux ex itinere Moguntino, cui quinque dies im-
pendi, perreptando omnes bibliothecarum angulos,
in quibus tamen passim inveni pro thesauro car-
bones. Sane quovis pignore certare ausim, in
utraque Lipsiensi plures exstare et melioris notae
codices, quam in omnibus Moguntinis: cum adeo
circumspecti et callidi sint monachi, ut ex publi-

cis loculis ad cellas suas deportent, quibus ma-
 xime metuant, ne, quod saepissime contingit, aut
 clam subrigantur, aut extorqueantur pecunia.
 Carthusiani maximum servant et splendide dispositum
 librorum apparatus, quos inter Cassiodori in Gal-
 nos explicatio et Augustinus de civitate Dei ac-
 tale. meo quidem iudicio, reliquos superabant. Vidi
 etiam chronica quaedam, sed non magni momen-
 ti, et maximam partem ex Adone Viennensi,
 Ottone Frising. ac similibus compilata. Apud
 Carmelitas tibi omnes, qui primi Moguntiae typis
 impressi sunt, exstant. Multos Coloniam Agrippi-
 nam transmittere, iussi sunt. Inter omnes eminet li-
 braria Canoniorum supellex, in qua non solum opti-
 mae ac vetustissimae scriptorum ecclesiasticorum mem-

branae. Sed variae etiam Conciliorum collectiones habentur: neque dubito varia in iis occurrere (nondum publica luce donata. Chartas veteres ac diplomata in omnibus monasteriis frustra quaesivi, et semper responsum tuli, non adesse alia, quam suo ordini imperita; claustra autem, quibus contineantur, nunquam exteris patuisse. Caelerum Magnantiae varia Romani splendoris vestigia adhuc supersunt, aggregatus rudera non pauca, et Druidi monumentum, quod accuratius inspicendi occasionem nactus sum. Turris coh tantum, quantum supra terram eminet, in profundum tendens, ad cuius summum circiter quadringentis gradibus pervenitur. Affirmavit, qui una mecum ad erat cohortis praefectus, esse nonnullos lapides litterarum notis signatos, quos tamen investigare non potui, cum scala passim

vetustate collapsa esset. Doleo me non habuisse itine-
 socium Eruditis. Mollartum, quem vidi in Gleditschii
 taberna, sed unicum diem in Francofurti commoratus
 est. Abellus de re numaria veterum Germanorum
 in cuius manus pervenerit, docebit me Uffenbachii
 frater, vir amplissimus ac humanissimus, ut illa fa-
 milia cum ingenii et litterarum laudibus, tum in ex-
 tero studio facile in hac civitate excellit. De histo-
 ria Burgundia, quam videre desideras, ita nuper ad
 amicum Gleditschium Parisiensis Librarius: Mss. Gria-
fon vend l'Histoire de Bourgogne en commission, et je
vous l'achetterai dans quelque tems, quand le Tome se-
cond sera achevé. Salulem Tunc plurimam dicunt
 Welxius et Otenochlageras, inter consiliarios aulicos
 a Ser. Rege nostro nuper adlectus. Vale, Vir Illustris,
 et me ama. Traiecti ad Moenum. Kalend. Apr. 1740.

Illustri ac Consultiss. Nomini
 Tuo

addictus
 Joh. Henr. Reichen